

U cilju pripreme za narednu sezonu grijanja KJKP "Toplane - Sarajevo" d.o.o. provode aktivnosti na remontu i rekonstrukciji toplifikacionog sistema

U periodu van sezone grijanja KJKP "Toplane – Sarajevo" d.o.o poduzimaju čitav niz aktivnosti na redovnom i preventivnom održavanju i rekonstrukciji toplifikacionih sistema ili dijelova sistema, u cilju bolje pripreme za narednu sezonu grijanja.

U tom kontekstu vrši se kompletan remont kotlovskih postrojenja, toplotnih podstanica, distributivne mreže sa pripadajućim šahtovima i mjerača utroška toplotne energije što podrazumijeva pripremu instalacija u toplifikacionim sistemima, održavanje i zamjenu dotrajalih dijelova, na kojima su u toku prethodne sezone grijanja uočeni tehnički nedostaci kao i moguća poboljšanja u kvalitetu mašinske i elektro opreme. Ove aktivnosti se obavljaju kako bi Preduzeće 20. septembra bilo pogonski spremno za početak nove sezone grijanja.

Trenutno se izvode građevinski radovi na rekonstrukciji podstanice „Grbavička 2A“ na sistemu kotlovnice „Lenjinova“ kao i radovi na montaži izmjenjivača toplote, montaži nove opreme unutar podstanice kao što su cirkulacione pumpe sa frekventnom regulacijom, ekspanzione posude i diktir sistem, montaži radionički izrađenih razdjelnika i montaži mjerila utroška toplote sa pripadajućom opremom.



Fotografija: Izmještanje dijela toplovoda u blizini slastičarne "Palma".

Na zahtjev investitora stambeno poslovnog objekta „ Otoka Meandar“, izvršena je demontaža cirkulacione pumpe i razdjelnika unutar novosagrađene krovne kotlovnice, radi utvrđivanja i otklanjanja buke od strane građevinskih izvođača radova.

Pored navedenog, završeni su radovi na izmještanju dijela toplovoda dužine cca 90m u blizini kafe slastičarne „Palma“ u naselju Hrasno, a u završnoj fazi je izvođenje građevinskih radova na uređenju zelene površine.

KJKP "Toplane – Sarajevo" d.o.o. su sa firmom „E-SPV“ d.o.o., Sarajevo potpisale Ugovor o izgradnji priključnog vrelovoda, izgradnji priključka i priključenje novoizgrađenog stambeno - poslovnog objekta

Kantonalno javno komunalno preduzeće za proizvodnju i distribuciju toplote "Toplane-Sarajevo" d.o.o. Sarajevo

Bosna i Hercegovina
71000 Sarajevo
Semira Frašte 22
Telefon:+387 33 45 00 30, 45 00 47
Fax:+387 33 45 05 27
Općinski sud u Sarajevu
MBS: 65-01-0427-12

Broj računa:
3389002208282707-UniCredit Bank dd Sarajevo
1610000007760011-Raiffeisen Bank dd Sarajevo
1540012000333776-Intesa Sanpaolo Banka dd BiH
1401020005562255-Sberbank BH dd
1410010001451867-Bosna Bank International dd Sarajevo

Porezni broj
01632788
Identifikacijski broj
4200353740001
PDVID
200353740001



„Dijamant“, instalisane snage 1740kW na toplifikacioni sistem kotlovnice „Alipašin most 1“, u ul. Džemala Bijedića, naselje Otoka. Realizacijom ovog projekta Toplane Sarajevo će putem toplifikacionog sistema od naredne sezone grijanja zagrijavati novih 22.455m² stambeno poslovne površine, čime se doprinosi povećanju toplotnog konzuma i energijske efikasnosti savremene kotlovnice "Alipašin most 1".



Fotografija: Radovi na priključenju stambeno-poslovnog objekta „Dijamant“.

Također, u periodu od završetka prethodne sezone grijanja, izvršena je rekonstrukcija mjernih mjesta i ugradnja 21 novog mjerila utroška toplote u objektima na području naselja Dobrinja, Ilidža i Hadžići.

Na distributivnoj mreži od aprila 2019. godine zabilježeno je 15 hitnih intervencija koje su uspješno otklonjene, a tom prilikom je zamjenjeno 170 metara distributivne mreže.

Aktivnosti na planskom remontu postrojenja su započete sredinom maja 2019.godine, a završetak remonta se prema planu očekuje do početka septembra 2019. godine.

KJKP „Toplane – Sarajevo“ d.o.o.

Sarajevo, 09.07.2019.godine